

# SARS E AMOGELA DIKGOPELO TŠA MEŠOMO TŠA GO FETA 88 000

**Tshwane, Labone 15 Aprele 2021** – Ditirelo tša Motšhelo tša Afrika Borwa (SARS) di tloga di itumeletše diphetolo tša dikgopelo tša mešomo tšeo e bego e di kwalakwaditše tša dikgoba tše mmalwa tšeo di tlogo go tlatšwa go tšwetšapele bokgoni bja rena bja go kaonafatša ditirelo tša rena le maemo ka moka a obamelo.

Dikgoba tšeo di bego di kwalakwaditše di dutše mengwaga ye mentši ya ditshepetšo tša SARS, go akaretša *Information Technology Specialists, Data Management Specialists, Audit and Risk Specialists, Investigations Specialists* le *Auditors* ka tsepelelo e itseng ya *Tax Evasion* le merero ya go nyalelana, gammogo le diarea tše dingwe tše dintši.

SARS e tlabilwe ke palomoka ya dikgopelo tše 88 009 tšeo di amogetšwego. Dikgopelotše 15 092 e bile tša ka gare. Maemo a tlhokego ya mošomo mo nageng ya rena a laetša ditlhotlo tšeo re lebanego le tšona bjale ka naga, ke tlhotlo ya go tloga e tšhoša yeo MaAfrika Borwa a swanetšego go lebana le yona ka potegelo. SARS e tla bapala karolo ya yona, ka maswabi e tla tšea fela dikopelo tše 500 fela bjale ka Kago ya Setšhaba ka go setheo sa rena .

SARS e holofela gore mmušo o ka se kgone o le noši go tlhola mešomo gomme re tshepha gore ba bangwe, kudu sektara ya praebele, e tla dira ka thata go fa dialoga tša baswa matsha a go thoma bophelo ka go ba fa sebaka sa boithutelo mošomo, gape, mo go kgonegago, ba thwalwe bjale ka taetšo ya boikgafo bja rena bja go aga bokamoso bja letago le go ba thuša bophelong.

Ka palogare, go be go na le dikgopelo tše 468 (tša ka gare le ka ntle) go ya ka legoro le lengwe le le lengwe la mošomo. Go palomoka ya dikgopelo, go be go na le dikgopelo tše 7946 go tšwa go dialoga tša ka ntle, mola go bile le dikgopelo tše 755 go tšwa go Bahlakiši ba go ba le Mangwalo a tumelelo (*Chartered Accountants*) go palomoka ya dikgopelo. Go be go na le sediba sa dikgopelo tša maemo a *Masters* le *PhD*.

Bjale ka ge go bonagala ka palomoka, naga ya rena e na le sediba sa ditsebi ka go magoro a go fapafapana ao bengmešomo ba ka thwalago go thuša naga go lwantšhana le ditlhotlo tša bohloki, hlokego ya mešoo le tekatekano. Ka moka re swanetše go lwantšhana le thlotlo ye.

Letšatši la makgaola kgang la dikgopelo e be e le ka la 11 Aprele 2021. SARS e tla tšwetšapele tshepetšo ya go thwala pele ka go amana le bakgopedi bao ba kgethilwego fela. Ditirelo tša Motšhelo tša Afrika Borwa di rata go lakaletša le go leboga MaAfrika Borwa bakeng sa thekgo le potego go setheo. Go na le dikgoba tše mmalwa tšeo bakgopedi ba sa kago ba di kgopela. Ka lebaka la seo, dikgoba tše di kwalakwaditšwe gape ka mokgwa wa rena wa go kwalakwatša mešomo go wepsaete ya SARS. Bao ba nago le phišego ba tlhohleletšwa go etela kgokaganyo ya [Careers go www.sars.gov.za](http://www.sars.gov.za).